

治準繩

八之五十一



漢書門	類	號	函	架	冊
	1	110	2	2	110

內閣文庫	漢書	類	號	冊	函
	1	110	2	2	110

內閣文庫	
番號	漢 13010
冊數	120 ( 95)
函號	301 64




Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19



© Kodak 2007 TM: Kodak



虛羸

母氣不足則羸瘦肉極巢氏論小兒羸瘦不生肌

膚皆為脾胃不和不能飲食故血氣衰弱不能榮於

肌膚也挾熱者即溫壯身熱肌肉微黃其挾冷者即



時時下利唇口青白小兒經諸大病或驚癇或傷

寒或溫壯而服藥或吐利發汗病差之後氣血尚虛

脾胃猶弱不能傳化穀氣以榮身體故虛羸也錢

氏虛羸冷者木香丸主之夏月不可服如有證則少

服之熱者胡黃連丸主之冬月不可服如有證則少



虛羸

刀斗

行廿

服之虛羸與疳同治也木薛氏云更當審其形

色察其見證如面赤多啼心之虛羸也面青目劓肝

之虛羸也耳前後或耳下結核肝經虛火也頸間肉

裏結核食積虛熱也面黃痞滿脾之虛羸也面白氣

喘肺之虛羸也目睛多白腎之虛羸也仍審相勝而

藥之又寒熱二證不可不辨若腹痛瀉利清白不渴

喜熱此屬寒證雖在夏月宜木香丸身熱煩躁瀉利

焦黃作渴喜冷此屬熱證雖在冬月宜胡黃連丸皆

捨時從證之治法也錢氏論用藥識證云鄭人齊

郎中者家好收藥散施久其子忽藏熱齊自取青金

膏三服併一服而餌之服畢至三更瀉五行其子因

睡齊言子睡多亦驚又與青金膏一服又瀉二行加

口乾而身熱齊言尚有微熱未盡又與青金膏其妻

曰用藥十餘行未安莫生病否召錢氏曰已成虛羸

先多煎白朮散時時服之後用香瓜丸十三日愈木

散見渴木薛氏治下小兒十三歲面赤驚悸發熱

形體羸瘦不時面白噁氣下氣時常停食服保和丸

及清熱等藥余曰面赤驚悸心神怯也面白噁氣心

火虛也木便下氣脾氣虛也此皆稟心火虛不能生

脾土之危證前藥在所當禁者不信又服枳朮丸鎮

心

散

瓜丸

散

丸

散

驚等藥而諸證益甚大便頻數小腹重墜脫肛痰涎  
飲食日少余先用六君子湯為主佐以補心丸月餘  
飲食少進痰涎少止又用補中益氣湯送四神而愈  
畢姻後病復作墜時至仲冬面白或鰲色手足冷喜  
食胡椒薑物腹中不熱脉浮按之微細兩尺微甚乃  
用八味丸元氣復而形氣漸充年至二十苦畏風寒  
面自赤色發熱吐痰唇舌赤裂食椒薑之物唇口卽  
破痰熱愈甚腹中却不熱診其脉或如無或欲絕此  
寒氣逼陽於外內真寒而外假熱也仍用八味丸而  
諸證頓愈 一小兒八歲面常青色或時色赤日間

目劓夜睡咬牙二年餘矣服清肝降火之藥益甚形  
氣日羸求治於余曰肝主五色入心則赤自入則青  
蓋肝屬木而生風故肝氣為陽為火肝血為陰為水  
此稟肝腎精血不足虛火內動陰血益虛虛而生風  
風自火出故變面赤目劓等證耳非外風也遂用地  
黃丸以滋腎水生肝木兩月目劓咬牙悉止又三月  
許諸證尋愈而元氣亦充矣凡肝經之證若肝木實  
熱生風而自病或肺金實熱而尅木者宜用清肝降  
火之劑以瀉其邪氣若肝經風熱而目直等證用柴  
胡梔子散以清肝火加味四物湯以養肝血若腎虛

而咬牙諸證用六君子湯以健脾胃六味地黃丸以滋腎水則愈。一小兒脾氣虛弱飲食停滯發熱作渴服瀉黃散不時下痢余先用保和丸二服而愈但不食惡心面青手冷又用六君柴胡升麻四劑面色痿黃食進手溫惟形體羸甚倦怠發熱小腹重墜肛門脫出用補中益氣湯加半夏肉豆蔻二劑而安凡脾胃之證若發熱作渴飲食喜冷或泄瀉色黃睡不露睛者屬形病俱實宜用瀉黃散疎導之若發熱口乾惡冷或泄瀉色白睡而露睛屬形病俱虛宜用異功散調補之若脾氣下陷者補中益氣湯寒水侮土

者益黃散肝木尅脾者六君加柴胡若目睛微動潮熱抽搐吐瀉不食宜用祕旨保脾湯凡小兒諸病先當調補脾胃使根本堅固則諸病自退非藥所能盡祛也。一小兒五歲形氣虛羸睡中咬牙夜間遺尿日間頻數余以為稟腎氣不足用補中益氣湯加補骨脂地黃丸加鹿茸以補脾腎而痊畢姻後小便頻數作渴發熱日晡益甚恪服黃蘗知母等藥以滋陰降火後患腎痿臥床年許余因考績北上仍用前藥喜其慎疾半載而痊。一小兒年十一歲面白或赤足軟不能久行用地黃丸加鹿茸年許而瘥畢姻後

兩目羞明兩足仍軟用前丸及補中益氣湯而痊後  
病復發增口渴足熱頭顙覺開視物覺大此腎虛腫  
人散大而然也服前藥遠房事則愈因不自保終患  
腎痿而歿仲陽先生云此證屬腦髓不足不能榮養  
宜用地黃丸補之有至七八歲或十四五歲氣血既  
盛而自合若縱恣色慾戕賊真陰亦不能盡其壽矣  
一 小兒形瘦不時咳嗽自用參蘇飲一劑更加喘  
急驚搐面白或黃余謂此稟脾肺不足而形氣虛羸  
因前劑峻利外邪雖去而肺氣益虛肺虛則宜補脾  
先用異功散加桔梗釣藤鈎一劑痰喘頓定乃去桔

梗加半夏當歸再劑驚搐亦去又加酸棗仁治之而  
安年十五歲發熱痰盛作渴面赤形體羸瘦用地黃  
丸加五味子及補中益氣湯各百餘劑而形氣漸壯  
若認爲陰火用黃蘗知母等藥復傷生化之源其亦  
不治者矣 一 小兒五歲尚飲乳耳前後頸間至缺  
盆以手推尋其筋結小核如貫珠隱於肌肉之間小  
便不調面色青黃形氣羸瘦此稟母之肝火爲患用  
九味蘆薈丸五味異功散加山梔柴胡與兒飲之又  
以加味逍遙散與母服之尋愈 一 小兒患虛羸耳  
出穢水左手尺關洪數而無力余爲清肝補腎耳中

虛癯  
雖愈脉未全斂畢姻後患瘵證誤服黃蘗知母之類  
復傷元氣不勝寒暑勞役無日不病幾至危殆余大  
補脾腎滋養元氣而愈一小兒患證如前肢體消  
瘦面色痿黃大便酸臭此脾虛食積用四味肥兒丸  
五味異功散治之而愈二小兒九歲吞酸惡食肌  
體消瘦腹中作痛余謂食積虛羸也用保和丸而愈  
後腹中數痛皆服保和丸余曰此因脾胃虛而飲食  
所傷也當調補脾土以杜後患不信後腹痛喜按余  
用五味異功散二劑因未應自用平胃散等藥腹脹  
作痛余仍以異功散加木香四劑而愈若屢用攻伐

之劑陰損元氣多致虛羸慎之

參苓白朮散方見不  
乳食

地黃丸加肉桂壹兩名治  
加減入味丸小兒肝經虛熱血燥或風

客淫氣而患瘰癧結核或四肢發搐眼目抽動痰  
涎上湧又治腎疝腦熱消瘦手足如冷寒熱往來  
滑瀉肚脹口臭乾渴齒齦潰爛爪黑面鰲遍身兩  
耳生瘡或兩耳出水或發熱自汗盜汗便血諸血  
失瘖等證其功不可盡述即六味地黃丸  
方見腎藏  
補中益氣湯 治中氣虛弱體疲食少或發熱煩渴  
等證

人參

黃耆各壹錢

白朮

甘草

陳皮各伍分

升麻

柴胡各貳分

當歸捌分

右薑棗水煎空心午前服

愚按前方若因藥剋伐元氣虛損惡寒發熱肢體倦怠飲食少思或兼飲食勞倦頭痛身熱煩躁作渴脉洪大弦虛或微細軟弱右寸關獨甚者宜用之凡久病或過服剋伐之劑虧損元氣而虛證悉具者最宜前湯若母有脾胃不足之證或陰虛內熱致兒為患者尤宜用之

八珍湯 四物四君合用

錢氏異功散 治脾胃飲食少思吐瀉不食凡虛冷

證先與數服以正胃氣即五味異功散見吐瀉

愚按前方治脾胃虛弱吐瀉不食或驚搐痰盛或睡而露睛手足指冷或脾肺虛弱咳嗽吐痰或虛熱上攻口舌生瘡弄舌流涎若母脾胃虛兒患此證亦當服之

外臺小品療四五歲兒因食及在胎中宿熱乳母飲食麤惡辛苦乳汁不起兒哺不為肌膚心腹痞滿痿黃瘦瘠四肢痿躄繚戾服之令充悅方



芍藥拾分炙

黃耆

鼈甲炙

人參各肆分

柴胡捌分

茯苓陸分

甘草炙

乾薑各貳分如熱以枳實代

右八味搗篩蜜和為丸如大豆服五九日二服忘如常法千金有大黃無黃耆服一丸下歲以上乳服三九七歲兒服十九日二聖惠黃耆丸治小兒羸瘦體熱面色痿黃不欲乳食

黃耆剉

赤芍藥

人參去蘆

甘草炙微赤剉

胡黃連各半

麥門冬去心

鼈甲塗醋炙微黃去

柴胡去蘆

右件藥搗羅為末鍊蜜和丸如麻子大不計時侯以粥飲下五九量兒大小以意加減

秦朮丸

治小兒羸瘦體熱心神煩悶小便赤黃

秦朮去苗

桑根白皮剉

枳殼麩炒微黃去

地骨皮

黃耆剉

人參去蘆

赤茯苓

甘草炙微赤剉

犀角屑各半兩

龍膽去蘆頭

柴胡去苗

右件藥搗羅為末鍊蜜和丸如菉豆大不計時候用粥飲下五九更隨兒大小增減

麥門冬丸 治小兒雖食不着肌膚羸瘦骨熱小便赤黃

麥門冬 去心焙 人參 去蘆

黃耆 剉

青蒿子

黃連 去鬚

桑根白皮 剉

枳殼 麩炒微黃去穢

地骨皮 各半

柴胡 去苗

右件藥搗羅為末鍊蜜和丸如菉豆大不計時候以熱水研五丸服量兒大小以意加減

燒黃瓜丸 治小兒羸瘦體熱乳食全少

黃瓜 大者

陳橘皮 湯浸去白瓤焙 黃連 去鬚

鼈甲 童子小便浸二十宿炙微黃去裙襴

胡黃連

柴胡 去苗各壹兩

右件藥搗細羅為散以黃瓜切開頭去瓢內藥末令滿以切下蓋子蓋之用香麥麩和搜固濟可厚三分於糖灰火內燒令麩焦黃為度取出去麩放冷入麝香壹錢都研和丸如菉豆大每服食前米飲下七丸更量兒大小以意加減

大黃丸 治小兒胃氣不調不嗜食不生肌肉

大黃

乾地黄

茯苓

當歸

柴胡

杏仁 各叁分

右為末蜜丸麻子大飲下五丸日進三服

凡身  
豬肚丸 解小兒肌熱時或泄瀉及有積滯不思飲食肌肉消瘦

一鼈甲 壹兩同童子小便并醋 共一升熱浸炙盡為度

白朮

薯蕷 各壹兩

胡黃連

人參 去蘆頭

青橘皮

紫苑 去土

桃仁 湯浸去皮尖雙仁

木香

甘草 炙各半兩

柴胡 去蘆頭壹分

右件藥搗羅為末入在淨豬肚內繫定煮令極爛為度出與藥同杵令黏丸如梧桐子大每服二十丸不計時候溫水飲下

香甲丸 治男子婦人童男室女氣血虛軟肌膚消

瘦百節疼潮作溫五心煩熱四肢逆冷不思飲食中滿氣滯婦人經血凝澀建脾胃暢神氣充肌膚淨顏色

柴胡

生乾地黃

京三稜 各一分

鼈甲 醋煮

神麴

杏仁

熟乾地黃

麥蘖 炒各壹兩

牛膝

木香

薑黃

當歸 各半兩

白朮

川芎 各壹分

右為細末白麴糊丸如梧桐子大每服十九空心茶清下或米飲亦得

右八方挾熱者宜之

聖惠訶梨勒散 治小兒羸瘦脾胃氣弱挾於宿食

不欲乳食四肢不和

訶梨勒皮

陳橘皮 湯浸去白麩焙各半兩

黃耆 剉

人參 去蘆頭

白朮

藿香

桂心

白茯苓 各壹分

甘草 炙微赤剉半分

右件藥搗麤羅為散每服一錢以水一小盞入生薑少許棗一枚煎至五分去滓溫服日三四服量兒大小以意加減

溫脾散 治小兒脾胃氣不和食少無力肌膚羸瘦

訶梨勒皮

人參 去蘆頭各參分

白朮

木香

黃耆 剉

白茯苓

藿香

陳橘皮

湯浸去白麩焙 桔梗 去蘆頭各半兩

甘草 炙微赤剉壹分

右件藥搗麤羅為散每服一錢以水一小盞入生薑少許棗一枚煎至五分去滓不計時候量兒大小增減溫服

五香煎 治小兒脾胃久虛喫食減少四肢羸瘦

丁香

沉香

木香

藿香

白朮 各壹兩

麝香 叁錢細研入

白茯苓

陳橘皮 湯浸去白 黃耆 剉各壹兩

訶梨勒皮

甘草 炙微赤剉各半兩

右件藥搗篩為散以水五升慢火煎至一升以布絞汁却入鍋內煎麝香及蜜三合生薑汁半合棗肉二十枚慢火熬成煎每服以粥飲調下半茶匙量兒大小以意加減  
右三方挾冷者宜之

湯氏云小兒疳積其狀漸黃瘦拍背如鼓鳴脊骨如鋸乃積而生熱成疳也宜服蘆薈丸露星膏

蘆薈丸

龍膽草

黃連

蕪荑 去皮先炒

前一二味一處炒赤色各壹兩

右為末另入蘆薈壹分和勻爛飯丸如黍米大三歲兒服三十九空心米飲送下

露星膏

黃耆 蜜水炙

胡黃連

地骨皮

柴胡 各等分

右為末煉蜜丸如芡實大隔宿酒浸露一宿次日澄去酒薄荷湯浸服之

錢氏橘連丸 治疳瘦久服消食和氣長肌肉

橘皮 壹兩

黃連 米泔浸 壹兩半

右為細末另研入麝香五分用豬膽七箇分藥入  
膽內漿水煮候臨熟以針微刺破以熟為度煮粟  
米粥和丸如菉豆大每服十丸至二三十丸米飲  
下量兒加減無時以瀉脾火長肌肉

二聖丸 治小兒藏府或好或瀉久不愈羸瘦宜常服

黃連 去鬚

黃藥 去龜皮 各壹兩

右為細末入豬膽內重湯煮熟丸如菉豆大每服

二三十丸米飲下量兒加減頻服無妨

張渙金粟丹 方見內

香蟾丹 治肌瘦面黃胸高脚細

乾蟾 伍枚 水浸去骨用瓦藏餅壹枚頂頭上取  
子以煙息為度取出  
鹽泥固濟水炭火燒留一簋  
地上放一宿出火毒

蛇蛻皮 壹兩 地龍 半兩 微炒

蟬殼 各壹分 已上並  
為細末次入

麝香 壹分 細研

右件都一處研勻糯米飴和如黍米大每服十粒  
米飲下不拘時候量兒大小加減

志 卷 海 瘦 刀 斗

萬全方雷丸丹 治小兒一切疳肚脹腹滿手脚枯  
細眼目口鼻生瘡身體壯熱痢下泄澁日漸羸瘦  
面無光澤

雷丸 生

鶴虱 生

史君子 去殼生

胡黃連 微炒

蘆薈 研各半兩

麝香 半錢研入

蟾 壹枚酒浸一宿慢火炙熟去皮足骨焙

木香

肉豆蔻 各壹分

蕪荑 壹兩去皮微炒研入

朱砂 貳錢研留少許為衣

右件藥搗羅為末研合令勻用獾豬膽四箇取汁  
傾入瓷盞中外以重湯煮過和梓為丸如黍米大  
每服五丸至七丸麥門冬熟水下早晨日午空心

臨臥服

孔氏神聖丸 肥小兒疳藥常服永無腸藏之疾

日胡黃連 去皮

宣連 去毛

白蕪荑 去皮

木香

蘆薈 各壹錢

史君子 貳拾枚

右除蘆薈一味外五味銀器內用豬膽汁熬成膏  
後入蘆薈同丸如菽豆大每服五七粒空心日午  
臨臥米湯下神效

豬肚丸 治小兒疳熱而瘦

柴胡

黃連

秦艽 各壹兩淨

蕪荑

貳兩用瓦上薄乾去殼取肉別為末臨時入用

右用豬肚一箇中庸者破開淨洗入前藥三味末於內以酒半餅童子小便一升煮乾春令得所放蕪荂末又春勻丸如桐子大每服二十丸飲下  
王氏手集治小兒疳瘦大人五勞七傷方

宣黃連

半斤去鬚及蘆頭為細末黃連末蘆頭在內絳合於三下米內蒸以米熟軟為度

積豬肚 壹箇去脂膜將

右件取出爛研丸如粟米大風乾隨兒大小加減日三服三歲兒每服五七丸至十丸大人服如桐子大每服二十丸空心米飲下  
趙氏斧槌丸 治小兒疳久服肥白

乾蝦蟆 壹枚

白礬

膽礬

綠礬 各半兩肆味同入罐子內炭火燒礬枯為度

京三稜

石三稜

雞爪三稜

萆薢

鶴虱

雷丸

淡蕪荂

黑狗脊

木香 各半兩

沒石子 叁枚

史君子 拾枚

蘆薈

熊膽 各壹錢

右為末醋煮乾來取肉爛研入少麵糊和藥極熟丸如菽豆大每服米丸米飲下

玉拄杖散 治小兒疳瘦

黃芪 貳兩

白茯苓 半兩

人參



白朮各壹兩

右為末以水壹盞藥壹錢煎柒分温服

蒼蒼丸 治小兒諸疳羸瘦不生肌肉

蒼蒼

木香

紅芍藥

沒石子各半兩

史君子去殼

胡黃連各壹錢半

肉豆蔻貳錢

人參壹錢

右為細末入麝香半錢別研令細與藥拌勻蜜水

打麵糊為丸每服拾伍丸米飲下空心食前服

吉氏益兒丸 治小兒一切疳瘦夜多盜汗肌肉熱

人參

白朮

茯苓

柴胡去苗

甘草炙

陳皮去白

鼈甲醋炙去

京三稜濕紙裏煨香

右細末煉蜜圓如雞頭實大每服壹丸米飲化食

前日三服

朱氏家傳肥兒丸

白燕蕒去殼

黃連去鬚

神麴

麥蘖各等分

右為末用豬膽煮糊圓如大麻子大每服叁拾

丸食前米飲下張氏家傳莊氏家傳方皆同或治

疳積或治疳瘦

六味肥兒丸 治疳多因缺乳食肉太早或患臟腑  
胃虛療諸般疳化蟲治黃瘦肚急消疳退疳熱可  
常服

黃連 局方加 陳皮 去白局方去 神麩 炒局方有

麥蘖 炒各壹兩局方 川棟肉 炒壹兩

白蕪荑 半兩局方去 此用檳榔

右為末神麩糊丸麻子大每服叁拾丸空心米飲  
吞下 醜按前方又治脾疳飲食少思肌肉消瘦  
肚大頸細髮稀成穗項間結核發熱作渴精神倦  
怠大便酸臭嗜食泥土或口鼻頭生瘡肚見青筋

錢尤妙 下利便白五疳用此丸加乾蟾壹兩蘆薈伍

秘方肥兒丸 消疳進食

黃連 伍錢 木香 壹錢 神麩

麥蘖 各壹兩 史君肉 煨 肉豆蔻 麵裹煨

檳榔 壹枚 蝦蟇 壹箇 白朮 壹兩

右為末麵糊丸如粟米大空心米飲下量兒加減  
朱氏家傳治小兒脾疼疳瘦驚積方

右用黃蘗壹箇去瓢用黃連末填滿蒸爛取出  
用朴硝末壹錢蓋頭臨夜方取然後露一宿研爛

為丸如小菘豆大每服伍丸熟水下

潔古云小兒疳病肌瘦血氣不足同大人勞瘵之疾治之按以潔古此論詳之不拘冷熱虛羸皆用四君子地黃丸與前藥相兼服為得也然有胸膈積痰不受參朮地黃之補者先用清疳取積之藥然後補劑可施故備載諸方以俟採擇誠以病之變態多端非執一隅可以御百變若看方三年無病不治者鮮不以為繁雜矣

針灸羸瘦不生肌膚胃脘灸壹壯

田小兒疳瘦於胷下骨尖上灸參壯次於脊下端尾

翠骨尾上灸參壯

小兒疳瘦脫肛體瘦渴飲形容瘦悴諸方不瘥者取

尾翠骨上三寸骨陷中灸參壯

小兒身羸瘦黃脈腹腫四肢懈惰肩背不舉童門二

穴各灸柒壯

# 鶴節

湯氏云小兒鶴節由稟賦不足血氣不榮肌肉瘦瘠則骨節皆露如鶴之足皆腎虛不生骨髓之故治法宜錢氏地黄丸加鹿茸牛膝  
地黃丸 治頭顙不谷體瘦骨露有如鶴膝皆腎虛不足并治腎疝天柱傾倒腎主骨也

- 熟地黃 洗焙 捌錢
- 澤瀉 洗貳 錢
- 牡丹皮 去心 錢
- 白茯苓 各叁 錢
- 山茱萸肉
- 牛膝
- 鹿茸 酥炙 錢
- 山藥 各肆 錢

雀巢

為朱蜜丸梧子大三歲已下三一丸溫水空心化

下下曰

山米煎肉

中藥

熱散黃

戰戰

以丹

小兒共食實取天林兩陰骨主骨也

散黃丸 試取聽不令斷或骨痛者皆散黃丸也

宜發及散黃丸心氣者十知

頭骨痛者皆散黃丸也

參丸云小兒散黃丸由散黃丸不發血氣不發肌肉散

散黃

# 丁奚

疳脹異名

巢氏云小兒丁奚病者由哺食過度而脾胃尚弱不能磨消故也哺食不消則水穀之精減損無以榮其氣血致肌肉消瘠其病腹大頸小黃瘦是也若久不差則變成穀癥傷飽哺露病一名丁奚三種大體相似輕重立名也 真珠囊凡小兒或因吐而瀉久不差或病退不能行膝大腸紅號曰丁奚七歲已下號鼓椎風十五已下名鶴膝風蓋此並是風冷傷於腎所致腎主骨故也 莊氏疳脹丁奚辨證云小兒腹

大如青筋見即曰疝脹也如無青筋乃名丁奚是因過飽傷食而得之曾丁奚者亦久積成疝之證皆因飲食過傷於脾胃脾胃虛不能磨化飲食漸減無以生其氣血面色慘潮熱往來腹大而多青筋手足如筒顛顛開解頸項小而身黃瘦先投萬應丸通治五疝次參苓白朮散不乳食早晨一服與養胃氣及醍醐散進食食後下烏犀丸積三粒至五粒助脾化食此即用迎奪之法間投醒脾散慢驚沉香檳榔丸木香莪朮丸宿食次第調理有渴瀉腹痛千金膏自好若脾氣稍和飲食漸進再以化癖丸積快活丸

常服或用烏犀丸略下一二行勻氣散疝止補有寒熱往來柴胡飲疝熱主之腹脹投南星腹皮散水腫有餘熱麥芽柳枝煎湯調三解散潮熱有蟲下史君子丸腹痛斯疾得之非一朝一夕然施治之法亦須漸漸令其平復欲求速效則難矣凡雞酒羊麪魚鮓甘甜生冷毒物宜忌之

十全丹 治丁奚神效  
檳榔 枳殼麩炒 青皮  
陳皮 三稜炒 蓬朮炒  
砂仁各半 丁香 木香各壹分

香附 壹兩

右為末神麩糊丸如黍米大空心食前米飲下百丸一方去香附砂仁丁香三稜枳殼加五靈脂白蔻史君子蘆薈蝦蟇川芎

醍醐散 治吐瀉後調和脾胃消進飲食及丁奚嘔

露虛熱煩渴氣逆心惡

陳皮 去白

縮砂仁

厚朴

去麁皮剉碎薑汁浸

一宿慢火焙乾

麥芽

洗淨焙乾

烏梅

和核各伍錢

良薑

剉東壁土炒

乾葛

烏藥

各貳錢半

草菓仁

炮貳錢

甘草

炙參錢

右碎每服二錢水一盞薑二片棗一枚鹽少許煎七分空心溫服

快活丸 治丁奚疳證皮膚瘦削骨露如柴肚大青筋小便白濁睡卧煩躁神氣昏沉常服健脾胃化積

進食肥肌

蒸餅

壹兩去頂剉空入青礬半錢重仍碎餅屑緊塞上用紙封定灰火中炮透取出

候冷用之

右件剉焙為末別以肥棗用米泔水浸經一宿飯上蒸少時去皮核用乳鉢爛杵如糊同前餅末亭分再杵勻丸麻仁大每服二十九至五十九溫米

清湯無時送下兒小者亦以米湯化服其蒸餅不  
拘箇數大約以壹兩入青礬半錢重為定下常如  
前法製半斤作一料後人切勿以見方不重藥為  
誤余嘗屢試屢驗其餅如南饅頭樣者是也  
聖惠赤芍藥丸 治小兒丁奚雖食不生肌肉腹大  
食不消化

赤芍藥 川大黃微炒 鼈甲醋塗炙令黃去裙襴  
桂心 赤茯苓  
柴胡去苗各分  
右件藥搗羅為末鍊蜜和丸如麻子大每服煎蜜

湯下五丸日三服  
嬰孺芍藥丸 治小兒百病有寒熱大腹食不消化  
不生肌肉痿痺

芍藥 茯苓 大黃各伍分  
柴胡肆分 鼈甲叁分 桂心貳分  
人參壹分  
右為末蜜丸三歲已下服三小豆大不知加之七  
八歲三桐子大不知加之苦腹堅大者加鼈甲壹  
分渴者加菰蘆貳分病甚者服二十日効已試大  
良一方有杏仁貳兩人參叁分

丁亥 刀斗八 夏七



張渙大麝香丹 治小兒羸瘦腹大見青筋及丁奚

等病

麝香 研

朱砂 細研

粉霜 研各

五靈脂

肉豆蔻仁

乾蟾 塗酥炙

夜明砂

白礬灰 各半

乾地龍 炒壹

乾蟻 米筒去翅

右件搗羅為末與朱砂等同研勻細煉蜜和如黍米大每服三粒至五粒温水下量兒大小加減服

乏

初虞世治小兒腹如蜘蛛四肢瘦者用黑骨雞子破

頂入蜘蛛壹枚於內以濕紙糊竅用文武火煨熟

去蜘蛛食其雞子累効必數枚方愈

肘後方搗生薤根以豬脂煎稍稍服 或熟炙鼠肉

哺之亦治哺露

# 哺露

湯哺露者因乳哺不消脾胃衰弱漸不能食血氣減損肌肉不榮柴骨羸露吸吸苦熱謂之哺露也宜麝香進食丸方見各積癖曾哺露者亦由乳哺不節損於脾胃脾胃損而飲食減形容羸瘦則藏府之氣不能宣通時有熱謂之哺露此候與丁奚相去不遠但食多吐逆藏氣虛冷而泄瀉無度糞中有蟲治法同前丁奚證藥惟加養藏湯服之方見赤白痢

哺露

方見赤白痢

養藏湯

聖惠人參丸 治小兒哺露失衣當風濕冷水浴苦  
腹大時痢或寒熱如瘧不欲食縱食不生肌肉或  
不消化四肢羸瘦

人參

麥門冬

去心

半夏

湯洗七遍去滑

黃耆

川大黃

微炒

白茯苓

柴胡

黃芩

各參

訶梨勒

煨用皮

甘草

炙微赤剉

鼈甲

塗醋炙令黃去裙襴各壹兩

芎藭

半兩

右件藥搗羅爲末鍊蜜丸如麻子大一歲兒以  
粥飲下三丸四五歲五丸日三服量大小加減

# 宿食

食積寒熱 痢

傷寒論人病有宿食何以別之師曰寸口脈浮而大  
按之反澀故知有宿食當下之宜大承氣湯傷寒然  
同二發熱而傷食者惟肚腹之熱爲甚且糞極酸臭  
夜間潮熱尤傷積之明驗也 小兒宿食不消者胃  
納水穀而脾化之兒幼不知搏節胃之所納脾氣不  
足以勝之故不消也神麩麥芽之屬皆腐化之物昔  
賢已謂能傷胃中生發之氣矣况進而三稜莪朮乎  
况又進而牽牛大黃巴豆乎脾氣一受傷於食再受

傷於藥至於下之而氣已一脫矣所存幾何故夫尅  
食之藥不可多用下積之藥尤不可不審其證之可  
下與不得不下而後用也 錢氏論食不消脾胃冷  
故不能消化當補脾益黃散主之

保和丸 治飲食停滯胸膈痞滿噯氣吞酸或吐瀉

腹痛加白木壹兩

神麩炒

山查

半夏

茯苓各壹兩

陳皮

連翹

蘿蔔子炒伍錢

右爲末粥丸桐子大每服三十丸白湯送下

愚按前方行氣尅滯之劑若元氣無虧暴停乳食  
而致斯證者宜用此消導之若元氣虛弱而乳食  
所傷者必調補胃氣爲主而佐以消導若乳食已  
消而作嘔者乃胃氣被傷當用異功散補之不宜  
仍用前藥重損胃氣治者審之

木香大安丸

木香貳錢

黃連

陳皮

白朮各叁錢

枳實

山查肉

萊菔子炒

連翹

神麩炒

麥蘖炒

砂仁各壹錢半

右為末神麩糊為丸陳廩米湯下

消食丸又名消乳丸治宿食不消

砂仁炒 陳皮炒 三稜炒

神麩炒 麥芽炒各半兩 香附炒壹兩

右末麩糊丸如麻子大食後白湯送下大小加減

七聖丸

三稜 蓬朮 川棟

青皮 陳皮 芫花

杏仁

右件等分先用醋浸芫花一宿炒漸乾次入蓬朮

同炒赤色又入陳練等再同炒一處令微焦取出

為末前藥如各半兩杏仁亦用半兩湯浸去皮尖

雙仁不用細研入巴豆二十粒去油和勻醋糊丸

如黍米大一歲兒常服二丸臨卧温熱湯送下使

日間所食之物一夜而化永無疳疾能使黃瘦子

頓作化生兒今之小兒可去巴豆只入杏仁名七

聖丸是也

三稜散 主諸般停滯疴積發熱瀉痢酸醜水穀不

化常服和脾胃進飲食長肌肉益神氣

人參去蘆柴錢半 三稜炮剉 淨香附各壹兩半

青皮 去白

益智仁

陳皮 去白

枳殼 去穰 炒

神麩 炒

穀芽 洗焙

半夏 製

莪朮 醋煮透瀝 乾炒焙

大黃 半生 炮

紫蘇 去老梗 各半兩

甘草 半生半炙 壹兩貳錢

右碎每服二錢水一盞薑三片倉米百粒煎七分

無時溫服氣虛者加白茯苓壹兩

莪朮丸 和脾益胃消進飲食寬膈快氣悅色清神

莪朮 炮制

三稜 炮制

淨香附 三味各 肆兩醇

醋浸一日慢 火煎乾再焙

檳榔 壹兩 薄切

生牽牛末 壹兩 另研

青木香 去蘆

穀芽 淨洗 焙乾

青皮 去白 各 半兩

萹澄茄

丁香

南木香 各肆 錢

右除檳榔丁香木香不過火及牽牛末餘七味剉 焙仍同檳榔木香丁香為末臨入牽牛末和勻水 煮麵糊丸葉豆大每服三十丸至五十丸無時用 淡薑湯下溫茶溫酒皆好兒小者在粟米大粒數

下法如前

丁香脾積丸

三稜 煨去 皮毛

莪朮 去皮 炒

神麩 炒各 錢

青皮

巴豆霜

小蘗香 炒

陳皮 各伍 錢

丁香

木香 各叁 錢

宿食

右為細末醋調神麩糊為丸如菉豆大每服五七丸生薑湯下

三黃枳朮丸 治傷肉濕麩辛辣味厚之物致填塞

悶亂不快

枳實麩炒 伍錢

黃連酒浸 炒

大黃濕紙 裹煨

白朮各壹 兩

黃芩伍錢

右為末湯浸蒸餅為丸如菉豆大每服五十九白湯下臨時量所傷多少加減服之

聖惠訶梨勒散 治小兒宿食不化少欲飲食四肢消瘦腹脇多脹

訶梨勒皮叁分

人參各壹

白朮

麥蘖炒令 微黃

陳橘皮去白

檳榔各半 兩

甘草壹分炙 微赤

白朮

右件藥搗麩羅為散每服一錢以水一小盞煎至五分去滓量兒大小分減溫服日四五服

朱氏木香丸 治小兒氣開胃進食

木香

白茯苓

青皮

陳皮

肉豆蔻各壹 分

三稜壹兩 炮

右為末麩糊丸麻子大每服十丸薑湯下

宿食

刀剪

百六

朱氏洗心散

治小兒乳食傷心作壯熱喘息不調

咳嗽多睡

甘草壹錢

後於盆下蓋良  
久出火毒方用

麥門冬壹分

皂角半兩入沙  
糖塗酥炙

右爛杵不羅每服二錢水一盞煎至八分作五服

時時喫

養脾丸

人參

川芎各壹錢半

黃連

白朮

木香

陳皮各壹錢

當歸

青皮

砂仁

山查肉

神麴炒

麥芽炒各伍分

右為細末水調神麴糊丸如麻子大每服三五十

丸陳倉米飲下

**食積寒熱** 小兒食積者因脾胃虛寒乳食不化久

而成積其證至夜發熱天明復涼腹痛膨脹嘔吐吞

酸足冷肚熱喜睡神昏大便酸臭是也有前證而兼

寒熱者名曰食積寒熱若食在胃之上口者吐之胃

之下口者消之腹痛痞脹按之益痛者下之下後仍

痛按之則止者補之夾食傷寒者先散之用參蘇飲

熱甚便秘者先利之用大柴胡湯如無外感但只傷

百病食積寒熱

刀斗

頁五



食不至於甚保和丸調之蓋脾為至陰之藏也故凡  
脾病者至夜必熱熱而兼寒則又見所勝者侮所不  
勝矣食未消者消之則寒熱自止食既消者補之則  
寒熱自痊若手足並冷喜熱飲食此中州虛寒也宜  
溫之太便欲去不去脾氣下陷也宜升之若夜間或  
侵晨泄瀉者脾腎俱虛也用四神丸瀉手足並熱作  
渴飲水者脾胃實熱也用瀉黃散脾大便秘結用大  
柴胡湯潮熱手足雖熱口不作渴太便不實者用白  
朮散瀉仍參腹痛腹脹積痛積滯治之

**食積痢** 曾有食飽傷脾脾氣稍虛物難消化留而成

積積敗為痢腹肚微痛先調胃氣次理積却止痢則  
病根自除和中散吐瀉理虛養胃二稜散見前烏犀  
丸預助脾化積沉香檳榔丸積守中湯瀉進食止痢  
仍忌生冷粘膩等物不致復作  
千金治小兒食不知饑飽方  
用鼠屎二七枚燒為末服之

# 痞結

此痞在腹內與心下之痞不同

揚痞者塞也結者實也熱氣蘊於胸膈之間留飲聚於腹脇之內於是榮衛不能流行藏府不能宣通由脹滿而致痞結勢使然耳此熱實之證也時或發為壯熱聖惠甘遂散主之此藥治小兒痞結雖服湯藥時暫得利而滯實不去心下堅脹按之即啼內有伏熱諸候併成此疾宜疎利大便破結散氣後宜常服進食丸按進食丸有巴豆豈宜常服甘遂有大毒瀉米如決江河非十分壯實十分危急十分水氣

者俱備未可輕用今以為痞結主方謬矣  
既久飲食減少脾氣必虛久而不愈必先以固胃氣  
為主使養正則積自除若欲直攻其結不惟不能善  
消抑亦損其脾土脾土既虧必變證百出矣當參各  
類及隨見證而主治之  
一小兒患痞瘕服檳榔蓬  
朮枳實黃連之類痞益甚余曰此脾經血虛痞也不  
可尅伐遂用六君子加當歸數劑胃氣漸復諸證漸  
愈乃朝用異功散加升麻柴胡夕用異功散加當歸  
芍藥而愈  
一小兒患痞結服尅滯之藥余謂屬形  
病俱虛當補中氣彼不信仍行尅伐遂致虛火上炎

齒齕蝕爛頷下結核余用大蕪荑湯及異功散加減  
用之而安  
一小兒患痞結久而四肢消瘦肚腹漸  
大寒熱嗜卧作渴引飲用白朮散為主佐以四味肥  
兒丸月餘諸證漸愈又以異功散加當歸并六味地  
黃丸又月餘而愈  
一小兒患痞結身熱如火病狀  
多端不可盡述朝用五味異功散夕用四味肥兒丸  
月餘諸證稍愈佐以地黃丸自能行立遂朝用地黃  
丸夕用異功散及蝦蟇丸數服而愈

聖惠前胡散 治小兒腹內痞結壯熱羸瘦多啼

前胡

川大黃各參分 枳殼炒微

赤茯苓

犀角屑

郁李仁湯浸去

鼈甲塗醋炙令黃去

右件藥搗麤羅為散每服一錢以水一小盞煎至五分去滓看兒大小分減溫服微利為度

聖惠甘遂破結散

甘遂煨貳錢半 青皮浸去

黃芩

川大黃剉細煨

右為麤末每服一錢水一小盞煎至六分去滓溫  
和服量大小加減得通利則止後以冷粥補之  
進食丸 治乳食不消心腹脹滿壯熱喘急嘔吐痰

逆腹鳴泄瀉米穀不化或下痢赤白腹痛後重及  
食癥乳癖疝氣痞結並皆治之小兒胸膈熱實腹  
內有留飲致令榮衛痞塞腑臟之氣不得宣通其  
病腹內氣結脹滿或壯熱是凡有此疾當疎利太  
便破結散氣

巴豆霜壹錢

當歸米泔浸

硃砂

代赭石煨醋淬

枳殼炒

木香各半

麝香少許

右為末麩糊為丸如麻子大一歲兒一丸溫米飲  
下更量虛實加減食後服治食積發熱羸瘦肚大

毒筋疴積肚疼嘔露

湯戶部張侍郎小娘子患此蘊積結聚已經年矣其候腹滿壯熱大小便閉不食諸醫皆作虛熱潮熱或作胃寒不食治然既不食大小便自然少又欲作疴熱治百藥俱試而無一中勢已窘迫招予視之問曰合服何藥答曰當服甘遂大黃張驚駭曰前諸醫者皆用補劑此女不進食久矣不宜利動腸胃予答曰信我者生逆我者死張曰更有無甘遂而次於此藥方者可否予令即服大承氣湯一服而愈次日診之尚有餘滯積實其證必過數日而腹閉須服前藥始

可除根數日後果再閉腹滿痞結再投此藥一服而痊

右疎利大便例形氣俱實者宜之

枳木丸

白木 肆兩

枳實 貳兩

右為末荷葉包煨爛飯為丸桐子大每服四五十九空心白滾湯下

枳實理中丸

枳實 拾陸片 燻炒

茯苓

人參

白木

乾薑 炮

甘草 炙各 貳兩

右爲末煉蜜和丸如龍眼大每服一丸熱湯化下  
連進二三服胸中豁然渴者加栝蒌根壹兩自汗  
者加牡蠣貳兩煨過下利亦加  
快膈湯 理胸膈不快飲食少進亦能順氣和中消  
導宿滯

人參 去蘆

青皮 去白

縮砂仁

烏藥

良薑 製

香附子

甘草 炙各壹兩

爲細末每錢溫鹽湯空心調服

參米陷胸湯

人參

白朮

茯苓

橘紅

半夏 各壹錢

瓜蒌 全用細切帶濕叁錢

黃連

甘草 各伍分

右用水一鍾半生薑三片棗一箇煎七分溫服  
潔古云飲食不進四君子加薑棗煎

# 積

漢東王先生家寶小兒積病可醫者九  
 面上虛腫是積積者是脾之所係脾主身之肌肉故應面故知  
 是脾積其脾係土土無正形故早晚浮腫不定多則  
 早浮其睡則脾不磨上面作腫若病後此證則是虛  
 中積宜用調脾消積行氣等藥  
 面合地卧是積何以合地其受積在脾是冷積何以知之其脾好土故  
 知在脾其冷者屬陰故知傷冷硬食得之宜下熱積  
 氣藥耳 腹脹是積其積在肺何以知之其肺主於

積

刀針

百三

此方云... 甘草... 白朮... 茯苓... 小兒... 積... 脾... 肺... 腹脹... 氣藥耳... 腹脹是積其積在肺何以知之其肺主於

氣纒當受積其氣便冷腹脹滿氣急故知在肺如腹  
脹先宜調氣後轉轉後更宜調氣小便如油是積  
其積在小腸何以知之其積受於脾脾當傳心心不  
受觸則入小腸小腸是心之腑故知在小腸則節其  
水道小便如米泔油相似也髮黃是積是積氣傷  
心心主血脉陰遍身毛髮被積氣所干則髮黃故知  
是積傷心宜下空心散及取積藥此人必時復發熱  
也赤白痢是積其積在肺受傳大腸及有外傷冷  
而得何以知之其肺主西方庚辛金其色白後赤則  
是外邪故知肺傳大腸則為赤白痢也宜取後調氣

兩眼黃赤睛青是積其積在肝何以知之肝主東  
方甲乙木色青却被積氣所干即黃赤睛青者眼屬  
五藏肝是其主脾若受積故令眼睛青是肝受積若  
傳膽其人口苦不要喫物宜涼藥退之遍身虛腫  
是積其積不在藏只在府何以知之為其積曾取後  
被藥發動即不在藏故出皮膚之間為腫也只宜下  
取虛中積藥然後補之多瀉白糞是積是受冷積  
在脾何以知之脾主化受冷積在脾冷滑而瀉白糞  
故知在脾宜先轉後熱藥補之積病不可醫者六  
喘急是肺積肺主氣其喘急則肺絕其人當面白



全無血色故不可醫也。面黑是腎積其人面黑者  
是腎絕也人當不辨好惡眼直無光只得一日而死  
也。吐熱氣是榮積其不醫者是血絕不可治也血  
主心心不能管故出熱氣不止耳。手脚心生瘡是  
衛積衛者氣也胃氣不生故手足生瘡若衛絕則氣  
不回只得半日也。惡心吐乾嘔是胃積何以不醫  
胃主化食其胃熱則惡吐故不治其人必食乳不化  
不食亦乾吐嘔面色青黃無血色也。瀉久住又瀉  
是積咬脾爛何以知其脾爛其人當瀉白糞為食不  
消住了却放糞赤黑而死即知脾爛不可治。

寶鑑論小兒五積為藏氣不行蓄積一處不動故曰  
積夫心為伏梁在臍上上攻其心下攻胃口脾為痞  
氣在胃口上橫之肝為肥氣在臍之左邊肺為息貫  
在臍之右畔腎為賁豚在臍下各有變動非食之所  
成乃氣積也藏屬陰故在一處而不動也。聚謂六  
府之氣留聚也府屬陽陽氣運轉不停故其聚不定  
一處發而腹痛積聚之候皆面黃瘦劣啞啞不生肌  
肉髮立或肌體浮腫腹急多困多為水氣。  
真珠囊虛中積候凡驚中虛積者謂因驚取復驚發  
動是也所下糞青穢凡虛中有積者因傷食而瀉又

吐如此漸虛其病未差故曰虛積也又虛中之積有積而頻頻取轉却取轉不着致其積尚伏故亦曰虛中積若驚積取下則糞隨驚青如是食積即糞成塊子凡疳中虛積者因疳病轉瀉虛而疳不退故虛中爾所取下糞裏白色也

曾凡嬰孩所患積證皆因乳哺不節過養生冷堅硬之物脾胃不能尅化積停中脘外為風寒所襲或因夜卧失蓋致頭疼面黃身熱眼胞微腫腹痛膨脹足冷肚執喜睡神昏飲食不思或嘔或噦口噫酸氣大便酸臭此為陳積所傷如覺一二日先以百傷飲外

感發表次當歸散

潮熱

水薑煎服溫動積滯方下烏

犀丸六聖丸重與寬利後用勻氣散

和調補

湯凡

有積滯須辨虛實况孩兒虛瘦長短黑白南北古今

不同不可一槩論也予今之法實者可服進食丸虛

而微白及疳瘦者宜服肥兒丸

即三因肥兒丸見腹脹條

薛初

患元氣未損之時或腹脹作痛大小便不利者先用

白餅子或木香檳榔丸下之下後以白朮散或五味

異功散和之渴加乾葛吐加半夏下而熱不退或作

嘔作瀉飲食不思此脾胃俱傷也用六君子湯手足

指冷喜飲熱湯此脾胃虛寒也前方加炮薑木香面

取精豆

色黃白目無精光脾肺俱虛也用四君子加柴胡升  
麻腹痛泄利下重或小便不利者用四逆散發熱嘔  
熱或瀉未已脾氣下陷也潮熱口渴大便不調欲變  
疝證也並用補中益氣湯佐以肥兒丸經云邪之所  
湊其氣必虛留而不去其病乃實必以調脾為主而  
以消導佐之古人所謂養正積自除正此意也  
千金紫雙丸 治小兒身熱頭痛食飲不消腹中脹  
滿或小腹絞痛大小便不利或重下數起小兒無  
異疾惟飲食過度不知自止嘔乳失節或驚悸寒  
熱惟此丸治之不差更可重服小兒欲下是其蒸

候哺食減少氣息不快夜啼不眠是腹內不調悉

宜用此丸不用他藥數用神驗千金不傳方臣億等謹

序例中凡云服紫丸者即前變蒸篇中四味者是也云服紫丸不下者服赤丸赤丸差駛病重當用之方中並無赤丸而此用朱砂者又方緊於紫丸疑此即赤丸也

巴豆 去皮 蕤核仁 去皮各拾 甘草 炙伍 銖

牡蠣 火煨 黃蠟 各捌 甘遂

朱砂 各貳 麥門冬 去心拾 銖

右八味以湯熟洗巴豆研新布絞去油別搗甘艸  
甘遂牡蠣麥門冬下篩訖研蕤核仁令極熟乃內  
散更搗二千杵藥燥不能相丸更入少蜜足之半

積  
歲兒服如荏子壹雙一歲二歲兒服如半麻子壹  
雙三四歲者服如麻子貳丸五六歲者服如麻子  
大貳丸七歲八歲服如小豆貳丸九歲十歲微大  
於小豆貳丸常以雞鳴時服之至日出時不下者  
投粥飲數合卽下丸皆雙出也下甚者飲以冷粥  
卽止

茅先生青金丹 小兒諸積病悉主之

滑石 未 白丁香 羅過 天南星 各貳錢七

青黛 羅過半錢 輕粉 重貳錢

水銀 秤貳錢先以錫貳錢於銅銚內鎔化

川巴豆 去皮心膜柴拾貳箇無缺損者於華水浸壹宿懸當風處吹乾爛研

右前件藥同拌合用軟飯為丸如小菜豆大巴豆  
不出油依形證用湯使下 傷寒後取積淡煎葱  
湯吞下取疳蟲用牛肉炙汁下驚風肚中緊硬面  
青黑金銀薄荷葱湯吞下因傷看肚中及腹皮上  
微熱肚脹夜間作熱似疳又不是疳面青黃色眼  
微黃此腹中有積用皂角子貳柴粒灰火煨過用  
水壹盞煎至半盞下有積作瀉魚鮓湯下氣積炒  
懷香湯下凡下此藥周歲拾肆丸三歲拾捌丸七  
歲貳拾肆丸量大小加減下須是四更初下至天

積  
力半  
百三

明通下積來盡時可依形證候下藥補之臨喫此藥恐先吐下些小涎來亦不妨

萬靈丸主小兒諸積依形證用之

木香 黃連 蓬莪茂 各半

陳橘皮 青橘皮 各去瓢 檳榔 壹錢半 壹枚

右為末每七藥壹錢用巴豆壹粒去心膜用醋煮

巴豆壹枚煮藥令巴豆紫色用杏仁壹枚去皮尖

燈火上煨留性二味都研用醋麵糊為丸如小菘

豆大每服伍丸柒丸拾丸薄荷薑湯吞下

錢乙消積丸

丁香 玖枚 硝砂仁 拾貳枚 烏梅肉 叁箇 焙

巴豆 貳枚 去皮 油 心 膜

右為細末麵糊丸黍米大三歲已上叁伍丸已下

參貳丸温水下無時

紫霜丸消積聚

巴豆 去油 杏仁 去皮尖 各壹拾壹箇 代赭石 壹錢 研

右為細末飯丸如粟米大每服叁伍丸至拾丸煎

皂角仁湯下無時兒小者減之

真未丸 取小兒虛中一切積聚驚涎宿食乳癖治

大小便澀滯療腹脹行滯氣

積

刀斗八

百三六

木香

白丁香

真者

丁香

末

輕粉

各半錢留少許為衣

白滑石

末貳錢

巴豆

拾肆粒水浸壹宿研

右為末研勻濕紙裹燒粟米飯丸麻子大一歲壹丸八九歲以上至十五歲服捌丸炮皂子煎湯放冷下挾風熱難動者先服涼藥一服乳癖者減丸數隔日臨卧一服

消堅丸

消乳癖及下交妳又治痰熱膈實取積

硃砂

末

巴豆霜

輕粉各壹錢

黃明膠

末伍錢

細墨

少許

水銀沙子

兩皂子大

右同研細末少入麵糊為丸如麻子大倒流水下

一歲兒服壹丸食後

白餅子治小兒腹中有癖不食但飲乳是也

滑石

輕粉

半夏

湯洗焙乾

南星

各壹錢為末

巴豆

貳拾肆粒去皮膜水壹升煮水盡為度

右研勻巴豆後入眾藥以糯米飯為丸如小菘豆大捏作餅子兒三歲已上叁伍餅四歲以下壹貳

餅蔥白湯下臨卧服

張渙萬靈丹治小兒脾胃久不和挾積服温熱藥

皆不効此藥神妙

續

力手八

百三

肉桂 蓬莪茂 各壹兩

肉豆蔻仁 檳榔 各半兩已上擣 陳橘皮 去白焙乾

木香 各半兩已上擣 丁香 羅為細末次用

大巴豆 去皮心膜 杏仁 麩炒去皮尖去心并燈

右件同再擣拌勻滴水丸黍米大每服未周時壹

粒二三歲貳粒三四歲叁粒五七歲伍粒十歲已

上米粒用生薑湯放冷下乳食後久積或乳癖並

宜常服

剪紅丸 磨癖積殺諸蟲進飲食神效男女老幼皆

可服孕婦勿服

乾漆 炒煙盡 紫堇花 醋拌炒 巴豆 米粒去皮膜心不去油

斑蝥 米枚去頭足翅研時塞兩鼻孔

右為末醋糊丸梧桐子大用紅紗包紅線縛定剪

下來每服壹丸同後藥服之

南木香 雷丸 三稜 生

莪朮 生 百部 微炒各半兩 貝母

檳榔 大黃 生各壹兩 史君子肉 肆拾枚

半生半炒 牽牛 生半斤取頭末叁兩半

為細末用 皂角拾錠搥碎山茵陳兩苦楝根皮

貳水肆伍碗砂鍋內慢火煎至壹小碗將前末搜

續

力斗

東

為起梧子，大日乾小兒粟米，大每服貳錢半，重各  
隨後證改湯，使引下五更初服，忌葷腥生硬油膩  
物，此方與諸方甚異，毋忽。小兒齁齶喘急咳嗽，  
桑白皮湯下。取寸白蟲煎石榴根湯下。脚氣  
腫不可行，木瓜湯或蜜水下。取蛔蟲苗蟲沙糖  
水下。小兒一切諸證，蜜水或沙糖水下。酒痢  
酒積，百藥煎湯下。婦人血脈不行，淡醋紅花湯  
送下。婦人血蠱，蔥白湯下。腸風下血，煎山梔  
子湯下。大小便不通，淡醋湯下。食積氣塊，諸  
證用溫蜜水溫茶湯下。

真方五色丸子 治小兒一切所傷痰涎壅塞，胃膈  
不利，乳食不消，變生癆積，脇肋片硬，按之疼痛，及  
治一切急慢驚風，發搐痰涎壅塞。  
青丸子 青黛研別 南星薑製各半兩 巴霜半錢  
紅丸子 朱砂飛水 半夏薑製各半兩 巴霜半錢  
黃丸子 大黃煨 鬱金各半兩 巴霜半錢  
白丸子 白附子生 寒水石煨各半兩 巴霜半錢  
黑丸子 五靈脂炒 全蝎炒各半兩 巴霜半錢  
右前五色藥各另研為細末，入巴霜半錢，同勻麩  
糊丸粟米大一歲服伍丸，乳泮送下，量大小加減。



或薑湯下急驚金銀薄荷湯慢驚生薑全蝎湯

下積丸 治乳食傷積心腹脹滿氣麤壯熱或瀉或

嘔

丁香貳拾粒

縮砂仁貳拾枚

史君子肉伍枚

烏梅

巴豆肉不去油各叁枚

右為末爛飯丸麻子大每服叁圓陳皮湯下

五珍丸 治酒食積通用

青皮

乾薑燒存性

蓬朮

五靈脂各壹兩

巴豆肉去半油壹錢

右為細末粳米飯圓麻子大每服叁伍丸米湯下

局方進食丸

治乳食不化心胸脹滿疳積肚疼

木香炮

枳殼去白炒

當歸

代赭石各伍錢

硃砂另研叁錢

巴豆去油膜壹錢

麝香另研伍分

右為細末麵糊丸如黍米大一歲貳丸量兒大小

加減米飲送下

六聖丸曾氏治諸積和胃大能主氣厚腸消疳快膈

莪茂炮剉

淨黃連

陳皮去白

白薑炮各伍錢

南木香貳錢半

右除木香不見火餘四味剉焙同木香為末每壹

錢重巴豆參粒去殼膜心存油碎切入乳鉢細研  
 同前藥再研勻醋煮麵糊丸麻仁大每服拾伍粒  
 至貳拾伍粒或參拾伍粒五更空心淡薑湯下利  
 參伍行勻氣散止補方見常服助脾化積進食消  
 疳臨睡以淨湯或湯酒下參粒及伍粒每次止丸  
 藥末參錢淨巴豆玖粒為則不可多合久則味散  
 烏犀丸曾氏主諸積滯夾驚夾風溫胃調脾消進飲食  
 吐逆醋醜氣面黃肌瘦不拘孩兒生後歲月遠近  
 並宜可投

烏犀即皂角到參斗長投灰火中見青烟起為度取出地上瓦盆蓋定存性冷用柴錢

硫黃各參 白薑各參 陳皮去白

川烏炮去皮臍各伍錢 巴豆去殼膜心存油柴拾柒粒

右先研硫黃細除巴豆外餘四味同焙為末却薄  
 切巴豆細研同前五味藥末杵勻用粳米飯包作  
 一大粽子小瓦甍盛水孰煮候冷取出沙鉢內爛  
 杵細布兜緊絞出如稠糊安在別器內以藥末亭  
 分同杵細軟丸粟粒大取諸積每服拾伍丸或伍  
 丸或貳拾壹丸至參拾叁丸並用淡薑湯泡冷飯  
 取汁小盞五更初空心送下通利三五行以勻氣  
 散止補治積吐有醋醜氣每服叁丸至伍丸用淡

積

刀斗

三五

薑湯入米醋少許候温空心下

水晶丹曾氏治驚積食積蟲積腹脹煩啼心惡食減面

黃並宜通利此藥有頑積驚重風緊涎多熱極乃

可服非常用之劑及急驚後風痰未盡免生癡疾

宜再投

南星剉作小塊湯煮少時半夏湯泡去滑滑石肆錢

輕粉伍拾淨蕪荑貳佰巴豆伍拾粒去殼湯泡

次又去心膜作兩半水煮少時晒乾碎切

右前三味焙為末拌和輕粉外蕪荑巴豆同碎切在乳鉢內細杵入前藥末再拌勻如烏犀丸內製

格霜取積

糊丸麻仁大每服拾伍丸至貳拾伍丸或參拾伍丸糯米湯泡葱白取汁小盞五更初空心下過三五行進勻氣散調補下風痰淡薑湯空心服聚寶方聖餅子取一切積及虛中積下風涎藥取病甚穩全不搜攪

輕粉各肆錢粉霜各肆錢石鷲子大者貳枚先為細末

延胡索大者貳拾捌箇為末

右四味同研勻滴水和丸如大棊子大仍放厚陰乾每服壹餅先用熟水浸軟冷漿水調下臨臥更深服後急漱口此藥只取積滯並不損氣更臨時

積

刀斗

加減若下驚積則每料更入朱砂生龍腦各壹錢  
重小兒一餅作四服或便捏成小餅子

吉氏追魂散 治果子傷積

白丁香

輕粉

官桂

去麤皮  
各叁錢

右為末冷水調下半錢睡時服來日取下所傷物

用異功散煎紫蘇木瓜湯調三服和氣見異功散方

沉香檳榔丸

和脾助胃進食清神寬胸快膈順氣

調中悅顏色壯筋骨理面帶痿黃肌膚瘦弱過食

生果停寒在裏乳癖腹脹作疼及吐利瘡腫瘡後

諸疳蟲積

沉香

檳榔

檀香

南木香

丁香

三稜

神麴

莪茂

麥芽

厚朴

蒼朮

史君肉

青皮

陳皮

縮砂仁

益智仁

淨香附

枳殼

良薑

甘艸

右除前五味不見火餘十五味剉焙仍同沉香等  
為末水煮麵糊丸麻仁大每服叁拾丸至伍拾丸  
溫米湯無時送下兒小不能吞嚥煉蜜丸如芡實

續

力斗

頁五

大每以壹丸至貳丸温湯化服  
集驗蓬朮丸治乳食不化心腹脹滿一切所傷

三稜

莪茂

並煨

淨陳皮

淨香附炒

蘿蔔子

炒各半兩

砂仁

淨青皮

淨枳殼

麩炒

胡黃連

蘆薈

各錢

胡椒

貳錢半

右細末糊丸黃米大每參拾丸加至肆伍拾丸温  
米飲下日三服忌生冷硬物

乳積其候但是吐下乳來有酸臭氣因啼叫未已遽  
與乳喫停滯不化而得茅先生先用丁香散吐瀉調

胃後下牛黃丸取下妳積後下勻氣散不乳食常服健

脾散不乳食即愈聖惠乳癖之候面色青黃發歇壯

熱吐乳多睡口内生瘡漸漸黃瘦腹內結塊不散由

乳母食飲無常醉飽過度便即乳兒或乳母偏卧一

向乳兒不能廻轉兒亦睡着乳滯偏于脇下因茲結

聚成塊而痛者是也

聖惠

聖惠京三稜散治乳癖結實或有滯惡停積不化

令兒日漸羸瘦面色痿黃春夏多發不欲乳食

京三稜

川大黃

微炒

檳榔

鼈甲

赤茯苓

各半兩

枳殼

麩炒微黃貳錢半

種

右擣羅為散每服壹錢水壹小盞煎至五分去滓  
分為二服日三四服逐下惡物為度

張渙三稜散 治小兒乳癖結實不瘥

京三稜

炮剉

赤茯苓

當歸

洗焙

鼈甲

醋炙黃去

枳殼

麩炒

木香

白朮

各半

右擣羅細末每服壹錢水壹盞入生薑米片煎至

五分去滓放溫時時與服

劑

聖惠化癖丸

治乳癖結塊久不消化諸藥無效

巴豆霜

半兩

膩粉

朱砂

各壹錢研

黃鷹糞

貳錢

雄雀糞

各壹字

右件都研如粉用糯米飯和丸如黍米大一歲兒  
每服空心煎皂莢仁湯下貳丸取下惡物為度

丁香化癖散

丹溪

治乳癖

白丁香

蜜陀僧

硫黃

已上各

硃砂

伍分

輕粉

少許

右研細末每一歲兒服伍分男病女乳調女病男  
乳調出下黑糞為度後用通膈丸泄之

二丁丸

見疳門

青礞石丸

治證同前

貴

力斗八

百七

硫黃 叁錢

青礞石

五靈脂

鍋底黑 各壹錢半

白丁香 壹錢去土

為米飯丸菜豆大捻餅子每服貳拾餅溫水下

取積後調補

玉訣銀白散

生胃氣取下後宜服此方

人參

茯苓

甘草 炙

白朮 炒麥麩

白扁豆 去皮

藿香葉

右各等分末壹錢紫蘇湯調下

外治

張氏治小兒妳脾方

用荒花 壹兩醋浸叁日淨洗

大黃 兩半

為末入蒜壹斤同藥末

研爛勻男左女右用藥塗在乳母手心熨擦癖上

如聞得患人口中出藥氣即時取了立効

董氏家傳治小兒妳脾極効方

紫河車 貳兩

寒食麵 叁兩

右同為細末每用壹匙許水調塗足心病在左塗

左病在右塗右塗於紅帛上縛之良久其病大便

中下去救入多矣大便盡洗去

孔氏家傳治小兒妳癖方

右用蜜陀僧不拘多少研極細以大蒜自然汁調

稠稀得所塗於有妳脾處據其大小周遍又不可

塗之太過須更候兒口中有蒜氣息即是藥透子

責

力斗

頁八

細以手揉之覺妳脾似消及五六分即用溫漿水  
洗去切須量度不可令消盡恐藥毒損氣也如未  
消藥先乾即以溫水潤之

譚氏殊聖治月裏孩兒妳癖方

紫河車草 人參各等分

右為末用好醋調拍成餅子如大錢大如左畔有  
癖者藥貼左畔脚心用緋帛扎乾後見効左右一  
般使藥

**食積** 肚硬而熱於他處或瀉或嘔因飲食過飽飽後  
即睡而得茅先生用牛黃丸取積後用勻氣散調理

常服萬靈丸即愈 錢氏消積丸真珠丸方見前

快膈消食丸

砂仁 淨陳皮 三稜

莪茂 神麴 麥蘖各半兩

淨香附子另炒壹

為末糊丸如麻子大食後白湯下看輕重却用下  
積藥一方加製枳殼

**氣積** 其候面色黃白不進食腹痛天矯啼叫利如蠟  
渤此因榮衛不和二氣乖忤日久得之 茅先生用  
萬靈丸勻氣散醒脾散建脾散相夾調理



秘錄治小兒氣癖取三稜針作羹粥以米麩爲之與乳母食每日取一棗大與兒喫亦得作粥與羹熱食之治小兒十歲已下及新生百日無問癩熱無辜疹癖等皆理之妙不可言

**中脾積**面黃如土色或面帶虛浮臍上微痛肚皮熱飲食減少纔食便言臍上及腹中痛所食不化頭微熱此因先食硬物或冷物所傷在脾治之先下青金丸前取下脾中積後用勻氣散醒脾散調理常服健脾散萬靈丸卽瘳

**驚積**曾有時時泄清水如生米汁是受傷而復有積煩悶啾唧常以生噴名爲驚積先解驚後理積解驚五苓散或百解散理積三稜散或烏犀丸及三解散炒神麩生薑煎湯調服醒脾散沉香檳榔丸寧驚化積壯氣和胃仍節冷乳自然平治

莊氏紫金丸 治大人小兒因驚積聚黏滑毒物在脾胃累曾用藥取不下變成虛中積大人喫食吐逆心腹脹滿夜有虛汗日漸瘦惡用薑棗湯下柒丸婦人血氣米飲下伍丸至柒丸小兒驚積體熱困重目不開用黃連甘草桃仁薄荷湯化臍粉壹字許下一歲上三歲下叁丸小兒只可壹丸貳丸

蝎稍參朱

犀角末

銀末

朱砂各壹錢

右研極細末用水麵糊為丸菜豆大依前湯使

莊氏軟金丸治驚疳下積聚

青黛

膩粉

胡黃連

麝香各貳錢半

寒食麵參錢

史君子參箇

天漿子參朱

右七味研勻滴水丸梧桐子大每服壹丸用金銀

薄荷湯化下

劉氏桃紅散治小兒驚積疳積常服進食面如桃

花

馬牙硝

朱砂

茯苓

人參各等分

右末之二歲服貳字一歲壹字三歲亦貳字四五歲參字新汲水入少蜜調下蜜水約盞內參分許湯氏云驚癇須用礬石藥方可治之

虛中積其候渾身微熱不思飲食昏昧神緩抱着一似睡未覺肚熱足冷者多因吐瀉大病及攻擊之後而得此候茅先生先用青金丸取積後用勻氣醒脾散調理常服萬靈丸保童丸即愈

王先生靈砂丹 下虛中積藏府虛滑泄瀉久經取  
轉裏急後重久積惡痢暴瀉久不止神効

通明礪砂 壹錢 顆塊辰砂 通明有墻壁者 貳錢半各細研

右二味衮研極細用黃蠟半兩先於盞內鎔化入  
去皮全巴豆參米粒煎候巴豆紫色為度漉豆出  
細研入前一味再研勻於黃蠟內三分取一再鎔  
成汁傾藥入內急攪令勻刮入甕合收之每服暴  
瀉惡痢旋勢參丸如棗豆大濃煎艾湯先呷三五  
口然後吞下水瀉冷水吞下如取積每服參丸如  
梧桐子大濃煎甘草湯放冷吞下臨臥服其久積

藥隨積下其小可不動便安

按既是虛即不宜用峻劑取積仍須用四君子益  
黃散之類相兼服之

**實積**其候大便不通風毒瘡癰喉閉疔腮咽中涎響  
茅先生先用奪命散驚吐下熱涎後用勻氣散醒脾  
散調理常服牛黃膏天竺黃散 並實熱 鎮心丸即愈

**積痛**仲陽云積痛口中氣溫面色黃白目無精光或  
白睛多及多睡畏食或大便酸臭者當磨積而痛自  
除宜下積丸甚者白餅子下之後和胃氣用白朮散  
渴小沉香丸感應丸治之又有食積肚痛有熱者芍

藥甘草湯腹加乾葛吐者加半夏生薑或加枳實亦

効リ

小沉香丸

和中順氣進食消痰ヲ

砂仁

蓬茂各肆錢煨

香附子

去毛炒壹兩捌錢

舶上丁香皮

肆兩

沉香

陸錢

甘松

去土叁兩陸錢

益智仁

微炒壹兩貳錢

甘草

炙壹兩肆錢

右為細末湯浸蒸餅丸如桐子大每服叁拾或肆

拾丸食後温薑湯下或嚼破更妙ヲ

積寒熱

良方妙香丸

治小兒虛中積潮發寒熱心

腹脹滿疼痛ヲ

辰砂壹兩

牛黃

生龍腦

麝香各貳錢半

金箔拾肆片

粉霜

膩粉各壹錢

黃蠟貳兩

巴豆

肥者壹伯貳拾粒

右丸如彈子大量虛實加減龍腦漿水下夜半後

服藏虛即以龍腦米飲下每服叁丸如小豆欲藥

勢緩即按令扁疾堅者加至拾丸皆以針刺作數

孔以行藥力小兒取積丸如菉豆治小兒吐逆尤

効此藥最下胸中煩及虛積ヲ

嬰孺治小兒自下後得寒熱血結成癖氣在左脇下

或寒飲或冷食積聚氣動胸心留熱不下食飲聞瘦

積  
宜先服少飲子散氣下食後服紫雙丸去宿積自充  
溢也飲子方

柴胡

茯苓

人參

白朮

龍甲

醋塗炙香  
熟各半兩

右切如豆大水貳升煮伍合空心分温叁肆服相  
去如人行一二里久再服食粥將息

滋癖茅先生論小兒生下五箇月日上至七歲有結  
癖在腹成塊如梅核大來去或似卵大常吐痰痛者  
亦分數類在左脇下痛者名痰氣在右脇下痛者名  
癖氣下蓬莪茂散夾建脾飲不乳食與服即愈如見面

黑眼直視瀉黑血鼻口冷手足冷不進食者死 錢  
氏論小兒病癖由乳食不消伏在腹中乍涼乍熱飲  
水或喘嗽與潮熱相類不早治必成疳以其有癖故  
冷兒不食致脾胃虛而熱發故引飲過多即蕩滌腸  
胃亡失津液胃不能傳化水穀其脉沉細益不食脾  
胃虛衰四肢不舉諸邪遂生鮮不瘦而成疳矣 論  
癖為潮熱云曹宣德子三歲面黃時發寒熱不欲食  
而飲水及乳不止眾醫以為潮熱用牛黃丸麝香丸  
不愈及以止渴乾葛散服之反吐錢曰當下白餅子  
前後補脾乃以消積丸磨之前見此乃癖也後果愈何

以故不食但飲水者食伏於管內不能消致令發寒  
服止渴藥吐者以藥衝脾故也下之即愈 仁齋曰  
癖者血膜包水側癖於脇旁時時作痛也惟癖為能  
發潮為能生寒熱故瘡家中脫多畜黃水日久而復  
結癖寒熱不已有是疾者以此小兒藏府和平榮衛  
調暢則津液自然流通縱使多飲水漿不能為病惟  
乳哺失調三焦關隔以致水飲停滯腸胃不能宣通  
如冷氣搏之則結聚而成癖輕者用積滯木香丸重  
者用取癖丸 曾氏曰嬰兒始生稟賦未完失於襁  
褓之不謹乳哺之不節外為六淫侵襲內因五藏氣

虛冷積久停於脾不能剋化結成癖鬼突於脇下或  
左或右俗曰龜癆其疾皆因積滯蘊作致有寒熱或  
腹壯疼痛或晝涼夜熱治療之法氣實者亦須溫正  
胃氣後用烏犀丸或水晶丹下之如過一二次即以  
稀粥略止候所作形證消盡方投補益之劑氣虛者  
先與調脾胃固真元神色稍正飲食進多如前法下  
之若太虛甚用三稜散化癖丸漸消之順適陰陽以  
平為期然先補後瀉行迎奪之法則取去陳寒冷積  
若面黃唇白髮豎肌瘦乃為虛極不可輕下但徐徐  
用藥消化調理為上若兒小者更令乳母常服藿香

飲使藥從乳過亦少助也

茅先生蓬莪散 主小兒疰氣一切氣疾

蓬莪散

青橘皮

益智 各半兩

木香 貳錢

糯米 壹兩

右為末每服壹大錢用陳米飲調下日進四服

聖惠齏甲散

用齏用

豈枚全醋炙 令黃去初爛

右搗細羅為末每服壹錢以

童子小便壹小盞煎至伍分量兒大小分減服之

日三服神効

化癖丸 曾氏 主癖結氣塊在脇之間日久不化作寒作

熱腑臟不調米穀不消哽氣喘促胸腹滿悶及理  
丁癸哺露

南木香

陳皮 去白

莪茂 炮剉

三稜 炮剉

青皮 巴豆玖粒去皮膜 心微炒去巴豆

枳殼 去穰 麩炒

檳榔 朱味各 半兩

白朮

丁香 貳錢

細辛 肆錢

右除木香檳榔丁香不過火餘七味焙同前三味  
為末麩糊丸作麻仁大每服拾伍丸至貳拾壹丸  
清米湯空心下有寒熱往來以柴胡飲間服忌油  
膩生冷

木香丸 治吐乳瀉乳其氣酸臭由啼叫不已以乳  
與兒停滯不化是為乳積肚硬熱渴吐瀉由飲食  
無度過飽即睡是為食積腹痛啼叫利如蟹渤由  
觸忤其氣榮衛不和淹延日久是為氣積瘧後肚  
內結癖成塊

木香

治吐乳瀉乳其氣酸臭由啼叫不已以乳

木香

蓬茂

砂仁

青皮

硃砂

代赭石

大丁香

川巴豆肉

紙壓去油

右為細末和勻飛白麵糊為丸麻子大每服貳叁  
丸乳傷乳汁下食傷米飲下

取癖丸

峻劑非實積危甚不用

甘遂

微炒

芫花

炒

牽牛

半炒半生  
研取末

辣桂

蓬茂

青皮

去穢

木香

桃仁

浸去  
皮炒

五靈脂

各貳  
錢

右為細末入去油巴豆壹錢研和十分細飛麵糊  
丸麻子大每服壹貳丸薑蜜煎湯灌下泄後冷粥  
補仍和胃

揆癖丸

治乳癖穀瘕腹中塊痛

木香

青皮

蓬茂

代赭石

火煨醋  
淬細研

生地黃

各叁錢

巴豆

壓去油  
盡壹錢



右為細末醋麵糊丸麻子夫每服貳丸食後擦薑  
泡湯下

外臺必効療太人小兒癖方

右取車下李仁微湯退去皮及雙仁與乾麵相半  
搗之為餅如猶乾和淡水如常搜麵大小一如病  
人手掌為兩餅微炙使黃勿令至熟空肚食壹枚  
當快利如不利更食壹枚或飲熱粥汁即利以快  
利為度至午後利不止即以醋飯止之利後當虛  
病未盡者量力一二日更盡一服以病盡為限小  
兒亦以意量之不得食酪及牛馬肉無不効但病

重者李仁與麵相半輕者以意減之後服者亦任  
量力頻試差神効

聖惠前胡丸治小兒癖氣腹痛

前胡

桔梗各去

赤芍藥

赤茯苓

枳殼

川大黃

當歸

郁李仁去皮微炒

鼈甲壹兩

右件搗羅為末鍊蜜和丸如菉豆大三歲兒每服  
空心以粥飲化破伍丸服量兒大小加減  
嬰孺治小兒閃癖身體壯熱煩服冷藥冷氣漫心成  
癖下焦又冷腸結大便難方

茯苓

川芎

鼈甲炙

枳殼炙

芍藥各貢

柴胡肆分

右劉以水壹大升參合煎至參合空心為二服去

知人行五六里再服忌葷子

朱氏知母丸 治小兒腹痛不調兼癖氣

知母陸分

鼈甲炙肆分

牡蠣

枳殼麩炒各叁分

大黃拾貳分紙裏煨熟

右件為末蜜丸如棗豆大米飲下伍丸大人以意

分減服

治七八歲兒多睡或時壯熱日加羸瘦身雖不痛有

時痢膿嘔逆不食是癖氣之候其疾似瘧疾人多不識此患方

柴胡

黃芩各壹分

枳殼炒兩片

甘州

知母

芍藥各貳分

大訶梨勒煨取皮壹箇小者用貳箇

右件為末水壹盞煎服

針灸 小兒癖氣久不差者灸中脘一穴章門二穴各

灸壯章門在大橫外直臍季脇肋端側卧曲上足伸

下足舉臂取之 中脘在上腕下一寸臍上四寸居

心蔽骨與臍之中從膈下取病人四指定穴併灸

積

力身八

五五

臍後脊骨中貳柒壯無不驗

積

卷八

身丸

*[Faint bleed-through text from the reverse side of the page]*

# 渴

潔古論渴有三種

一者實熱積於心脾煩躁大渴

引飲宜白虎湯謂不因吐瀉大病忽然而作

二者

因久病或取轉過度致脾虛引飲宜白朮散

三者

因患濕熱病熱結膀胱小便不利大渴引飲有表裏

證者宜五苓散主之

百問云小兒唇紅如丹即發

渴紅甚焦黑則危篤若三焦虛煩作渴者用三黃湯

傷寒後唇口焦者用白虎湯竹葉湯瀉痢作渴者用

四苓散之類常治暑積心脾煩渴引飲者用白虎湯

下利脾虛作渴用七味白朮散熱結膀胱小便祕渴者用五苓散上焦虛熱者用四君子湯膏粱積熱者用清胃散脾胃積熱者用瀉黃散中氣虛熱者用異功散腎水虛熱者用六味丸其餘疳證發熱各詳本證胎稟所致者當各審其因若誤用寒涼降火脾胃復傷則腹脹而為敗證矣

**實熱白虎湯** 發熱

**三黃湯**

**黃芩**

右水煎服

**黃連**

**黃蘗** 各等分

**聖惠黃連散** 治小兒心肺積熱渴不止咽喉乾痛

**黃連** 去毛鬚

射干

川升麻

**白茯苓**

麥門冬 去心

玄參

**甘草** 炙微

桑根白皮

黃芩 各半

右件藥搗麤羅為散每服一錢以水一小盞入青

竹葉七片煎五分去渣入蜜半合更煎一兩沸放

溫時時與兒呷之

**麥門冬散** 治小兒心肺熱壅口渴不止

**麥門冬** 去心

梔子仁

犀角 屑

知母

甘草 炙

黃芩 各半

右爲散每服一錢水一盞入竹葉七片煎五分不計時候服亦可量兒大小分減服  
聖惠銀飲子 治小兒熱渴不止

銀 伍兩

石膏

寒水石

蠶蛹鹽 各貳兩

右件藥以水三升入銀石三味煎至一升去銀石次下蛹鹽煎至七合去滓每服半合不計時候溫服之量兒大小加減  
菰蘆根散 治小兒熱渴不止煩悶  
菰蘆根 叁分 黃芩 半兩 知母 各生兩

右件藥搗羅爲散每服一錢以水一盞入小麥粟米一百粒煎至五分去查不計時候溫服量兒大小以意加減

又方

菰蘆根 叁分

黃芩 半兩

小麥 半合

右件以水三盞煎取一盞去查不計時候服量兒大小加減

又方

生葛汁

竹瀝 各貳合

右件汁相和令勻不拘時候服半合量兒大小加減

茅先生胡黃連散

治小兒諸渴及疳渴解諸般熱

胡黃連

麥門冬

乾葛

玄參

甘草

枇杷葉炙去毛

右各等分爲末每服一錢水七分一盞生薑一片

同煎五分後放蜜三五滴同煎至四分溫服

**虛熱** 聖惠蘆根散

治小兒壯熱不止

蘆根

黃耆

人參

甘草

麥門冬

知母各半兩

右件麤羅爲散每服一錢以水一小盞入竹葉七

片粟米一百粒煎至五分去渣不計時候溫服量

兒之大小以意加減

嬰孺麥門冬湯

治小兒夏天服藥大下後胃中虛

熱渴欲飲水

麥門冬

甘草

龍骨各肆分

枳實

黃芩

茯苓

人參各叁分

右以水四升煮取一升半爲三服服此湯後渴不

差取水芹煮濃汁飲之間湯服之甚者恣意與之

服之

蘆根飲子

治小兒壯熱渴兼吐不止

身虛熱

切斗八

三三

生蘆根切伍分 淡竹青皮伍分 人參各捌分

桔梗伍分 知母拾分 粟米叁分

右以水五升煮之，一升半量兒大小與之服。

菰蘆湯治小兒熱渴或吐下後虛熱渴

菰蘆伍分 黃芩叁分 知母

蘆根各貳分 生米貳分 麥門冬叁分

右切以水五升煮二升如飲漿水度服之。

**脾虛** 錢氏白朮散

人參切去頭 白朮切去頭 木香

白茯苓去皮 甘草剉炒 藿香葉各壹兩

乾葛貳兩

右為麤末每服一錢至二錢水一盞煎至五分溫服如飲水者多煎與之無時

海藏云治發渴四君子加乾葛枇杷葉先以棗湯煮過炙乾用

各等分入木瓜少許同煎服亦治虛渴法也

**濕熱** 五苓散方見驚

小方脉論小兒渴病喫水太多腹脹泄瀉此病得之心藏熱心與小腸合小腸亦受熱小腸既熱其氣上行奔胃口致孩子喫水其水待奔小腸被小腸氣熱滲泄不及轉入大腸如治之先下淋藥後下涼心藏

藥然後止渴乃効 按此亦五苓散證也

小方脉論治渴先下淋藥方

鬱金

滑石各壹兩

早蓮子半兩

右件為末每服半錢煎葱湯調下急進三服涼心

藥

小方脉論欲止渴次涼心藏藥方

烏賊魚骨

海浮石各壹兩

蒲黃炒半兩

右末每半錢用枇杷葉煎湯下

# 黃疸

錢乙論黃相似云身皮目皆黃者黃病也身疼臍背強太小便澀一身盡黃面自指爪皆黃小便如屋塵色看物皆黃渴者難治此黃疸也二證多病於大病後別有一證不因病後身微黃者胃熱也大人亦同又有面黃腹大食土渴者脾疳也又有自生而身黃者胎疸也古書云諸疸皆熱也深黃者是也若淡黃兼白者胃怯胃不和也難知云色如熏黃乃濕病也一身盡痛色如橘子黃者黃病也身不痛乾



黃燥也小便自利四肢不沉重渴而引飲者梔子葉  
 皮湯 濕黃脾也小便不利四肢沉重似渴不欲飲  
 者大茵陳湯 大便自利而黃者茵陳梔子黃連三  
 物湯 往來寒熱一身盡黃者小柴胡加梔子湯  
 潔古云陽黃則大小便赤澀身熱是脾土與心火相  
 搏為陽病法當先利小便後下大便 陰黃則清便  
 目調面目及身黃四肢冷是脾虛不能制腎水當用  
 益黃散下使君子丸益黃散方見脾史凡治黃病  
 腹脹當用茵陳蒿湯調下五苓散若欲利小便去大  
 黃欲利大便則加大黃之類有陽證可服謂面赤飲

水者是也 湯氏云身疼髀背疼大小便澀皮膚面  
 目齒爪皆黃小便如屋塵色利者易治澀者難治宜  
 服五苓散加茵陳煎湯調又宜服導赤散加茵陳煎  
 或身熱宜服小柴胡湯甚者服承氣湯 曾凡黃病  
 者不可一槩而論標本不同證治亦異乃脾胃氣虛  
 感受濕熱鬱於腠理淫於皮膚蘊積成黃熏發於外  
 故有此證或脾胃虛弱內因癥癖攻之而成然疝瀉  
 亦主皮黃髮豎肚大青筋肌肉消瘦外無色澤身必  
 發黃此又本於疝病而作致有是證治法若感濕熱  
 而得身黃如煙熏之色以吹咀五苓散加麻黃水薑

煎投汗之即愈或用茵陳蒿湯調下五苓散亦好  
若得於疝癖者其形如黃土相類以醒脾散慢驚化  
癖丸積醒脾快胃磨積理疝胃氣既和飲食倍進運  
化精微榮養百骸灌溉臟腑五色各見於本部精華  
乃形於面貌其黃自除薛經曰中央黃色入通於  
脾故黃疸者脾之色也夫人身之神貴於藏而默用  
見於外則內虛矣其證皆因脾氣有虧運化失職濕  
熱留於肌膚發而為疸錢仲陽所謂身痛背彊二便  
澀滯遍身面目爪甲皆黃是也小便褐色者難治療  
法宜固脾為先如專用剋伐寬中澹泄利水之藥則

鮮有不至危者矣若初生及百日半年之間不因病  
而身黃者胃熱胎黃也腹大食土為脾疝兼作渴飲  
冷者用瀉黃散脾小便不利者茵陳湯病後發黃肢  
體浮腫者用白朮散渴清便自調肢冷嗜臥者益黃  
散脾身澹黃白者調中丸腹痛及補中益氣湯虛熱加茵  
陳身熱膈滿肌膚面目皆黃者加減瀉黃散辨其所  
以若閉自壯熱多哭不已大小便赤澀口中熱氣者  
迺妊娠厚味胎毒之候也母子並服生地黄湯胎黃仍  
忌酒麪五辛熱物設不自慎悞傷脾土急則變為驚  
風吐瀉緩則肢體浮腫小便不利眼目障閉多成疝

疾矣又有脾虛發黃者當於脾胃中求之

**陽黃諸方**茵陳湯 治陽明病發熱汗出者此為熱

越不能發也但頭汗出身無汗齊頸而還小便不

利渴引水漿者此為瘀熱在裏身必發黃傷寒七

八日身黃如橘色小便不利腹微滿者宜此

茵陳蒿壹兩 大黃參錢 梔子大者參枚

右剉散以水壹大盞先煎茵陳減半次內二味煎

捌分去滓溫服日三服小便當利如皂角汁狀色

正赤一宿腹減黃從小便中去也量大小加減

梔子檉皮湯 治傷寒身黃發熱

梔子捌枚 黃檉兩壹 甘草半兩

右剉散每服貳錢水壹盞煎陸分去滓溫服

犀角散 治小兒黃疸一身盡黃

犀角兩 茵陳 乾葛

升麻 龍膽艸 生地黃各半

寒水石未錢半

右剉散水煎服 一方治小兒忽發黃面自皮肉

盡黃葛根搗汁和蜜服

連翹赤小豆湯 治小兒傷寒發黃身熱

麻黃去節 連翹 甘草

生薑

赤小豆

生梓白皮各貳兩

杏仁肆拾壹箇

大棗拾貳枚

右剉散白水煎又一方生小麥苗搗汁服之立効

羅謙甫治一小兒季夏身體蒸熱胸膈煩滿皮膚如  
漬橘之黃眼中白睛赤黃筋骨痿弱不能行立此由  
季夏之熱加以濕氣而蒸熱搏於經絡入於骨髓使  
臟氣不平故脾遂乘心濕熱相合而成此疾也蓋心  
火實則身體蒸熱胸膈煩滿脾濕勝則皮膚如漬橘  
之黃有餘之氣必乘已所勝而侮不勝是腎肝受邪  
而筋骨痿弱不能行立內經言脾熱者色黃而肉蠕

動又言濕熱成痿信哉斯言也所謂子能令母實實  
則瀉其子也蓋脾土退其本位腎水得復心火自平  
矣又內經曰治痿獨取於陽明正謂此也加減瀉黃  
散主之

加減瀉黃散方 此藥退脾土復腎水降心火

黃連

茵陳各伍分

黃蘗

黃芩

山梔

茯苓各叁分

澤瀉貳分

右咬咀都作一服水膏蓋煎至陸分去滓稍熱服  
食後一服減半待五日再服而良愈

經云土位之主其瀉以苦又云脾苦濕急食苦以燥之故用黃連茵陳之苦寒除濕熱為君腎欲堅急食苦以堅之所以黃檗之苦辛寒強筋骨為臣濕熱成煩以苦瀉之故以黃芩山梔子之苦寒止煩滿為佐濕淫於內以淡泄之故以茯苓澤瀉之甘淡利小便導濕為使也

張漢蘆根湯 治黃病

蘆根

壹兩

茵陳

山梔子

黃芩

甘草

四味各半兩

右件搗羅為細末每服壹錢水捌分入薄荷參葉

煎至伍分去滓放溫服

子芩散 治黃病

黃芩

瓜樓根

茯苓 各壹兩

甘草

胡黃連 各半兩

右件為細末每服壹錢水捌分煎五分去滓溫服

茵陳湯 治小兒發黃等病身如橘色

山茵陳

山梔子仁 各壹兩

川大黃

川芒硝

木通

寒水石 各半兩

右煎服法同前

三黃散 治小兒黃疸

黃疸

九十八

三十一

川大黃劉微炒 黃芩

黃連去鬚各半兩

右煎法同前食後服

雙連丹 治疳病

川黃連去鬚 胡黃連各壹兩

右件搗羅為細末用黃瓜壹枚去穰留一小蓋子入二藥末後以蓋子蓋定用麵裹慢火燒令麵焦去麵搗熟如菘豆大每服柒粒至拾粒溫水下量兒大小以意加減

**食黃諸方** 當歸散見悲哭門夜啼條

當歸丸 治小兒冷熱不調大便青黃心腹多痛或

腹中氣滿或時嘔逆不欲飲食加枳殼尤妙

當歸 白芍藥 人參

川芎各叁錢 甘艸炙 白朮各半兩

右為末水煮麵糊為丸如麻子大三歲兒每服拾丸粥飲下日叁服量大小加減冷甚加陳皮

小半夏湯 治黃疸小便色不異欲自利腹滿而喘者不可除熱熱去必噦

半夏湯洗

右剉散每服叁錢水壹盞薑拾片煎柒分去滓溫服

參濕茯苓滲濕湯 治小兒黃疸寒熱嘔吐而渴欲飲水身體面目俱黃小便不利不得安卧不思飲食

茯苓 伍分

澤瀉 叁分

茵陳 陸分

豬苓

黃芩

山梔

黃連

防已

白朮

蒼朮

陳皮

青皮

枳殼 各貳錢

右咬咀水煎徐徐温服

消食消食丸 治小兒脾胃不和常服寬中快氣消

乳食正顏色

確砂仁

陳皮

三稜

蓬茂

神麴 炒

麥芽 炒

香附子 米泔浸炒

枳殼

檳榔

烏梅 各半兩

丁香 貳錢半

右為末麵糊丸菴豆大食後紫蘇湯下貳叁拾丸

丹溪治小兒吐瀉黃疸方

三稜

蓬茂

青皮

陳皮

神麴

麥芽

黃連

甘州

白朮

茯苓各等分

右為末溫熟水調服若傷乳食吐瀉吐瀉加滑石發熱加薄荷

**和胃**淡黃白者胃不和也平胃散不乳食調中丸腹痛

渴者白朮散渴

**搐鼻**瓜蒂散 治小兒忽發心滿堅硬脚手心熱變

為黃疸不急治則殺人

瓜蒂米枚

赤小豆

米粒

秫米米粒

右為末用壹字吹兩鼻內冷黃水出餘未盡水調服之得吐出黃水即愈一方瓜蒂壹赤小豆肆兩

每壹錢溫湯調服服後即卧當吐清黃汁為效虛者不宜服

千金翼秦王九疸散兼治大人小兒方

胃疸食多喜飲杏仁主之心疸煩心心中熱

茜根主之腎疸唇乾葶藶子主之脾疸尿

赤出少惕惕恐藜蘆主之膏疸飲水尿多秦椒

瓜蒂主之椒汁膏舌疸渴而數便鍾乳主之

肉疸小便白凝水石主之髓疸目深多嗜卧牡

蠣澤瀉主之肝疸胃熱飲多水激肝白朮主之

右一十一味等分隨病所在加半搗篩為散飲服



五分匕日三稍稍加至方寸匕見小者量與之

黑疸千金翼治大人小兒黃疸變成黑疸醫所不能

治方

右用土瓜根搗汁壹升頓服之病當從小便出小兒分減服葛氏亦治小兒四歲發黃者

千金翼治大人小兒黃黑等疸方

當歸

叁兩

桂心

陸兩

乾棗

拾柒枚

麥門冬

壹升

大黃

壹兩

茵陳

黃芩

黃芪

壹本無

乾薑

茯苓

芍藥

黃連

石膏

碎

人參

甘草

各貳兩

右十五味以水壹斗煮取叁升半分肆服小兒分減服

千金翼赤苓散主黑疸身皮大便皆黑通治大人小兒

赤小豆

叁拾枚

茯苓

女萎

各陸銖

雄黃

壹銖

瓜丁

肆銖

甘艸

貳銖

右六味以水叁升煮豆茯苓取捌合搗四味為散和半錢匕服之須臾當吐吐則愈亦主一切黃小兒服半字匕



治

搗細炒

乾薑微炒各半兩

青橘皮

白朮

右件搗羅為細末煉蜜和如黍米大每服拾粒米

飲下量兒大小加減

溫胃散治脾冷流涎

丁香壹兩

肉豆蔻

半夏白礬水浸炒黃

白朮

甘草

人參去蘆頭各半兩

右件搗羅為細末每服一錢水八分入生薑二片

煎五分去滓溫服食前

脾熱

金朱丹

治脾熱多涎

金箔貳拾片研

朱砂細研水飛

半夏湯浸七遍取末

天南星牛膽製取末各壹兩

白茯苓取末

石膏細研水飛各半兩

右件都拌勻再細研用生薑自然汁和如黍米大

每服十粒煎人參湯下乳後

牛蒡丹

牛蒡子壹兩

鬱金

川朴硝

枳殼麩炒去穰

皂子炒黃各半兩

右件搗羅為細末用生薑汁打白麩糊和如黍米

雜方

大每服十粒煎入參湯吞下量兒大小加減

千金治小兒口中涎出方

以白羊尿內口中

又方

以東行牛口中沫塗口中及頤上

又方

桑白汁塗之

# 大小便不通

翰林待詔楊大鄴問小兒大小便秘澀者為何答曰  
乳食失度使之四人不調滋味有貪遂乃五藏受病  
甘甜聚食鹹酸滯涎食滯留結於胃腸風壅漬癖於  
心肺氣脉不順水穀不行雖不逆於上焦即秘結於  
下部小兒不知疼痛莫說因由驚啼叫以頻頻但怒  
脹而不乳不知孩兒痛刺連臍則面色青黃但按脉  
息與治若不見病源只依外變用藥安能尅效百  
問調理嬰孩傷寒體熱頭目昏沉不思飲食來驚來

大小便不通

方

百

食寒熱大小便閉澀不通煩躁作渴冷汗妄流來積  
傷滯膈滿脹急青黃體瘦日夜大熱及療傷風傷暑  
驚癇客忤腎藏疝氣等熱並宜脫甲散主之傷寒亦  
可服大連翹湯秘痘便加大黃神芎治小兒驚風積熱  
大小便澀滯其効尤速又掩臍法用連根葱一莖不  
洗帶泥土生薑一塊淡豆豉二十一粒鹽二匙同研  
爛捏餅烘熟掩臍中以綿扎定良久氣透自通不然  
再換一劑

神芎丸 治風熱壅滯頭目昏眩口舌生瘡牙齒疳  
蝕或遍身瘡疥咬牙驚惕怔忡煩躁多渴或大小

便澀滯或積熱腹滿驚風潮搐並皆治之

大黃生 黃芩各貳兩 生牽牛末壹兩

滑石肆兩 黃連 薄荷葉

川芎各半兩

右為細末滴水丸桐子大每服四五十九食後溫  
水下方加蒲黃止血證用

錢氏郁李仁丸 治襁褓小兒大小便不通并驚熱  
痰實欲得溏動者

郁李仁去皮 川大黃去麤皮取真者剉酒浸

滑石半兩 研細

本草綱目 卷之八 治小兒驚風

大小便不通

右先將郁李仁研成膏和大黃滑石丸如黍米大  
量大小與之以乳汁或薄荷湯下食前

犀角丸治小兒風熱痰實面赤大小便秘澀三焦

邪熱腑臟蘊毒疎導極穩

木生犀末壹分人參去鬚切枳實去瓢炙

檳榔各半兩黃連壹兩大黃或兩酒浸切片以巴

豆去皮壹百箇貼在大黃上紙裏飯上蒸三次切炒令黃焦去巴豆不用

右為細末鍊蜜和丸如麻子大每服一二十九臨

卧熟水下未動加丸數亦治大人孕婦無損

惠眼芍藥散治大小便下藥不通者

芍藥 大黃 甘草炙

當歸 朴硝各壹分

右為末每服一大錢水一盞丸器中煎至半盞去

滓服即通

吉氏治大小便不通方

甘草節炮 槐花洗各壹兩

右伴末每服一錢茶半錢湯點下

又方

滑石壹錢 壹握

右以水二碗煎至一盞溫服

大小便不通 勿料 二氣

子母祕錄用蜂房燒末酒服壹錢日再

揜臍法

海螵 肆拾 玖箇

葱根 帶土 柒箇

黑豆 柒箇

鹽 少許

握宜丸治小兒便難燥結或服澀藥腹脹悶亂命

在須臾可用此丸不移時大小便自利

巴豆 壹錢 半

硫黃

良薑

附子

檳榔

甘遂 各等分

右為細末粟米飯和丸如菘豆大用椒湯洗小兒男左女右手握之用綿裹定看行數多少置藥洗

去不用即止

千金灸法小兒大小便不通灸兩口吻各一壯

大便不通

# 大便不通

百問小兒大便祕乃是肺家有熱在裏流入大腸以致祕結不通乃實熱也當以四順清涼飲熱加柴胡熱甚者加山梔黃芩流利之其表裏俱熱者面黃頰赤唇燥口乾小便赤澀大便焦黃無汗者先解表以柴胡散傷寒汗之解後大便祕或肚疼者以清涼飲大柴胡湯承氣湯並熱皆可下之積熱者神芎丸尤妙薛因乳母或兒膏粱積熱及六淫七情鬱火傳兒為患者用清邪解鬱之劑稟賦怯弱早近色慾大



大便不通  
便難而小便牽痛者用滋補肺腎之劑褚氏遺書云  
男子精未滿而御女以通其精則四體有不滿之處  
異日有難狀之疾老人陰已痿而思色以降其精則  
精不出而內敗精已耗而復竭之則大小便牽痛如  
淋今童子即有此患益見今人所稟與古人大徑庭  
矣人之氣血厚薄既殊而醫之用藥療法又豈可泥  
執古方而無加減之變乎  
一 小兒食糲停滯大便  
不通痛不可忍手足發搐用大柴胡湯調酒麩末一  
錢下滯穢甚多作嘔不食用五味異功散加升麻柴  
胡而愈  
一 小兒大便不通審乳母飲食厚味所致

用清胃散以治母熱兒間飲以一二匙而愈後乳母  
感寒腹痛食薑酒之物兒太便秘結兼便血仍用清  
胃散每日數匙而愈  
一 小兒因乳母暴怒大便不  
通兒亦患之兼用加味小柴胡湯先用保和丸二服  
後用五味異功散加升麻柴胡兒日飲數匙並愈  
聖惠芎黃散 治小兒大便不通腹脇妨悶  
芎藭半兩 川大黃剉微 郁李仁湯浸去皮微炒  
各參分  
右件藥搗細羅為散每服一錢以溫水半盞調服  
量兒大小以意分減以利為度張渙兼治大小便

不通

張銳雞峰方用麻子以水研汁飲之

幼科證治準繩集之八終

